

Is e creutair mì-rianail a th' anns an duine. O chionn cheudan bhliadhnachan mus robh plastaig agus tiona ann bha e a' tilgeil a sgudal a-mach air an t-sràid far an robh mucan is cearcan, radain agus luchainn agus eadhan clamhain-gobhlach agus fithich — eòin a tha gu math annasach an-diugh agus nach eil air am faicinn ann am bailtean mòra uair sam bith.



An-diugh tha sgudal air a chruinneachadh ann am binichean no ann am pocanan plastaig agus air an toirt gu ionad-sgudail. Carson a tha radain cho paillt ann an ionaid-sgudail?



An robh fhios agad gum bi sionnaich agus bruic a' tighinn a-steach do ghàrraidhean ann an cuid de bhailtean mòra air an oidhche a ghoid criomagan bìdhe? Tha e coltach gu bheil an oidhche, nuair a tha na taighean-bìdhe anns a' bhaile a' cur a-mach an sgudal airson a chruinneachadh an ath mhadainn, a' còrdadh ri na sionnaich. Chaidh sionnach fiù 's fhaicinn ann an Trafalgar Square ann an Lunnainn. Tha cuid de dhaoine a' cur a-mach biadh gus an urrainn dhaibh suidhe a' coimhead nam beathaichean sin nan gàrradh fhèin. Ach tha e cunnartach anns a' bhaile mhòr air an oidhche agus tha iomadh sionnach air a mharbhadh le càraichean.

Ged a tha creimich bheaga a' lorg tòrr a dh'itheas iad ann an ionaid-sgudail, tha iad uaireannan a' dol a dh'fhalach a bhroinn botail. Chan urrainn dhaibh iad fhèin a bhrùthadh a-mach air ais oir tha an casan a' slaoideadh air a' ghlainne shleamhainn. Chaidh cuirp ochd dallagan, ceithir luchainn-feòir agus trì famhalain a' lorg ann an aon bhotal champagne.

Ⓒ An urrainn dhut smaoinichadh air dòighean eile anns a bheil sgudal na chunnart do bheathaichean? Mar sin, cum do sgudal tèarainte ann am bine no ann am poca. A thuilleadh air a bhith neo-ghrinn, tha sgudal cunnartach.

